

BOSNA I HERCEGOVINA
Federacija Bosne i Hercegovine
TUZLANSKI KANTON
GRAD GRAČANICA

Obrađivač:
Služba za upravu, društvene
djelatnosti, boračko invalidsku-
zaštitu i zajedničke poslove

Predlagач:
Gradonačelnik

Razmatra:
Gradsko vijeće

Informacija

o stanju sporta na području grada Gračanica

Gračanica, novembar 2021. godine

INFORMACIJA

**o stanju sporta na području grada Gračanica u
2020. godini**

SADRŽAJ

BOSNA I HERCEGOVINA	1
Služba za upravu, društvene	1
1.Uvod	1
2.Zakonska regulativa :	3
3.Analiza sprovedenog ispitivanja sportskih kolektiva	4
4.Stanje sportskih objekata.....	10
1. MZ Gračanica;.....	10
2. MZ Miričina.....	15
3. MZ Rašljeva.....	16
4. MZ Donja Orahovica	17
5. MZ Gornja Orahovica	18
6. MZ Donja Lohinja.....	19
7. MZ Gornja Lohinja	19
8. MZ Pribava.....	19
9. MZ Babići	20
10. MZ Škahovica.....	22
11. MZ Soko.....	22
12. MZ Doborovci	23
13. MZ Gornji Doborovci	24
14. MZ Džakule	25
15. MZ Trnovci.....	26
16. MZ Prijeko brdo	27
17. MZ Buk.....	27
18. MZ Lendići	28
19. MZ Stjepan Polje.....	28
20. MZ Malešići	29
21. MZ Lukavica	30

22. MZ Vranovići.....	31
23. MZ Piskavica	31
5.Školski sport.....	32
6.Sportska rekreacija građana.....	33
7. Izdvajanja za sport iz Budžeta grada Gračanica.....	33
8. Sportski savez.....	35
9. Realizovane aktvnosti Grada Gračanica u 2021. godini u cilju unapređenja sporta.	38
10. Zaključak.....	39

1.Uvod

Imajući u vidu značaj sporta i njegovo ogroman uticaj na kompletno društvo, jedan od prioriteta lokalne zajednice je da omogući kvalitetnije uslove za taj vid zadovoljenja potreba fizičkom aktivnošću. Građani Gračanice pokazuju veliku zainteresovanost kako bavljenjem sportom kroz formalne tako i kroz neformalno organizovane kolektive i pojedinačno.

Najbitiniji faktor za bavljenje sportom i aktivnostima su dovoljan broj sportskih terena, adekvatna stručnost osoba koji sprovode i organizuju treninge i finasijska podrška.

Na području Grada Gračanica aktivnosti realizuje 23 registrovana sportska kolektiva, 6 škola sporta i nekoliko neformalnih klubova koji su u fazi registracije.

Sportski kolektivi:

1. NK"Bratstvo"
2. NK"Mladost" Malešići
3. FK"Lokomotiva" Miričina
4. NK"Orahovica" 74
5. NK"Jedinstvo" Lukavica
6. NK"Stjepan Polje"
7. NK"Pribava"
8. NK"Mladost" Doborovci
9. MNK"Kaskada"
10. RK"Gračanica"
11. RKV"Gračanica 1956"
12. ŽOK"Gračanica"
13. Košarkaški klub"Gračanica"
14. Karate klub "Gračanica"
15. Karate klub "Lavovi" Miričina
16. Judo klub"Pribava"
17. Šahovski klub"Gračanica"
18. Biciklistički klub "Gračanica"
19. Stonoteniski klub"Set" Gračanica
20. Sportski bilijar klub "Bily" Gračanica
21. Udruženje za sport, edukaciju i rekreaciju "G STARS"
22. Plesni klub "Rock Step"
23. Atletski rekreativni klub"Gračanica"

Škole sporta:

1. Škola rukometa "Gračanica First"
2. Škola fudbala"Euro lokomotiva" Miričina
3. Škola fudbala "Eurofudbal" Stjepan Polje

4. Škola fudbala "Omega" Donja Orahovica
5. Škola fudbala "Select" Vranovići
6. Škola fudbala "Polet" Džakule

Sportski klubovi (neformalni ili u fazi registracije)

1. MTB Gračanica (klub brdskog biciklizma)
2. MTB Trebava (klub brdskog biciklizma)

Kroz ovu informaciju pokušat ćemo da Vam prikažemo zakonske regulative koje obuhvataju sportske oblasti, stanje sportskih terena, analizu sprovedenog ispitivanja sportskih kolektiva, ulaganja u sport iz Budžeta grada Gračanica, rad krovne sportske organizacije i dr.

Informacija je nastala na osnovu dostupnih informacija, ispitivanja/anketiranja sportskih kolektiva, posjeta na terenu i direktnim kontaktom sa predsjednicima i predstavnicima mjesnih zajednica, izvještaja o izvršenju Budžeta grada Gračanica za 2020 godinu, Izvještaju Sportskog saveza grada Gračanica itd.

2.Zakonska regulativa :

Zakon o sportu Tuzlanskog kantona stupio je na snagu 31.05.2010.godine («Sl. novine TK» broj 8/10 i 8/13).Prema ovom zakonu *sportski odgoj i obrazovanje* obuhvata tjelesne i sportske aktivnosti djece, omladine i odraslih građana. Sportski odgoj i obrazovanje ostvaruje se u okviru nastavnih planova i programa predškolskih ustanova, osnovnih i srednjih škola kao i u okviru programa sportskih klubova.

Sport, u smislu ovog zakona, obuhvata:

- organizovanje tjelesne aktivnosti djece, omladine i odraslih građana, koje se ostvaruju u okviru stručno vođenog tjelesnog vježbanja i sportskog treninga;
- posebno organizovane tjelesne aktivnosti u igri radi postizanja sportskih dostignuća, koja se postižu prema utvrđenim takmičarskim pravilima, u oblasti sporta za lica sa invaliditetom, kvalitetnog sporta i vrhunskog sporta;
- sportska takmičenja i priredbe;
- stručne poslove lica koja planiraju, organizuju i vode sportske aktivnosti te pripremaju druga lica za učešće na sportskim takmičenjima.

Sportska rekreacija obuhvata organizovane ili individualne sportske aktivnosti djece, omladine i odraslih građana koje se ostvaruju u okviru različitih oblika tjelesnog vježbanja i nemaju organizovane takmičarske oblike.

Kvalitetan sport je priprema i takmičenje sportista po unaprijed utvrđenom sistemu i pravilima takmičenja koje se organizuje na području dva ili više kantona, na prostoru Federacije BiH ili na cijelom prostoru Bosne i Hercegovine.

Vrhunski sport je priprema i takmičenje sportista koji su po svojim rezultatima postali članovi državne selekcije BiH ili su pojedinačno postigli vrhunske rezultate po međunarodnim normama u odgovarajućoj disciplini.

Sport za lica sa invaliditetom je sportska aktivnost u okviru koje se licima sa invaliditetom obezbjeđuje jednake mogućnosti za organizovano bavljenje sportom i sportskom rekreacijom.

Grad ostvaruje javni interes u sportu stvaranjem uslova za zadovoljavanje lokalnih potreba građana u oblasti sporta i sportske rekreacije tako što:

- programira i planira razvoj sporta i sportske rekreacije na području grada;
- obezbjeđuje sredstva za ostvarivanje gradskog sportskog programa;
- podstiče i obezbjeđuje uslove za odvijanje i razvoj sporta na području grada;
- planira, izgrađuje, održava i kontroliše namjensko korištenje javnih objekata za sport i sportsku rekreaciju na području grada.

Sportsku djelatnost obavljaju sportski klubovi, sportska društva, sportski savezi, udruženja za sportsku rekreaciju, privredna društva i fizička lica samostalnim radom.

3. Analiza sprovedenog ispitivanja sportskih kolektiva

Grad Gračanica je 02.02.2021.god. uputio Dopis broj 02-36-00346-2021 sa upitnikom za sve sportske kolektive koji su u takmičarskom procesu na području grada Gračanica. Cilj upitnika je stvoriti potpuniju sliku o trenutnoj organizaciji sporta u Gračanici, prikazati dosadašnje uspjehe i pozitivne prakse klubova, te analizirati prepreke i probleme s kojima se susreću sportske organizacije u svakodnevnom radu. Odgovorom na ova pitanja dobiti ćemo i najnovije podatke i informacije o stanju i troškovima naših sportskih klubova u takmičarskoj 2019/2020 godini te na osnovu analize pronaći rješenja za unaprijeđenje do sada uspješne saradnje i podizanje kvaliteta sporta na području grada Gračanica.

Nakon isteka roka za dostavljanje potrebne dokumentacije od 23 sportska kolektiva samo 8 je uredno dostavilo tražene dokumente i popunjen upitnik. Obzirom, da je cilj upitnika stvaranje potpunije slike o stanju sporta na području grada Gračanica dostavljeni upitnici nisu bili dovoljni pa smo uputili novi Dopis.

Novi Dopis je upućen 21.10.2021.god sa napomenom da sportski kolektivi koji ne postupe po Dopisu ne mogu ostvariti finansiranje iz Budžeta grada u 2022. godini. Ni nakon ovog Dopisa nisu dostavljeni odgovori svih sportskih kolektiva.

Sportski kolektivi koji nisu dostavili odgovore na upitnik i potrebnu dokumentaciju su:

1. NK "Pribava"
2. NK "Miričina"
3. Biciklistički klub "Gračanica"
4. Karate klub "Lavovi" Miričina

Velika većina kolektiva je dostavila šture informacije o stanju i potrebama kluba pa smo bili primorani da direktnim kontaktom sa predstavnicima kolektiva dobijemo potrebne informacije.


Analiza upitnika i tabelarni prikazi pojedinih dijelova upitnika:

Rb.	Naziv kluba	Rang takmičenja	Broj selekcija	Broj igrača po selekcijama (reg. u savezima)	Prosječan broj gledalaca po utakmici (sezona 2018/2019)	Ukupni troškovi za sezonu 2019/2020 (hranarine, službena lica, prijevoz, oprema, održavanje terena i ostalo), KM	Način finansiranja	Sugestije/preporuke
1	NK "Bratstvo"	Prva liga Federacije BiH	7- sedam	1. seniori - 30 2. juniori - 30 3. kadeti - 40 4. pioniri - 30 5. predpioniri - 40 6. pjetlići -40 7. mlađi pjetlići - 40 UKUPNO: 250	350-400	* plate i doprinosi - 260.000 KM * službena lica - 30.000 KM * stanarine - 15.000 KM * hrana - 25.000 KM * oprema - 10.000 KM * održavanje terena - 15.000 KM * prijevoz - 20.000 KM * ostalo - 15.000 KM UKUPNO : 390.000 KM	* Budžet Grada Gračanica * Resorna ministarstva po javnim pozivima * donacije * članarine	prioritet za finansiranje imaju nosioci razvoja sporta, klubovi od interesa za grad i tradicionalni sportovi
2	Rukometni klub "Gračanica"	Premijer liga BiH	6 - šest	1. Seniori - 17 2. U-04 - 14 3. U-06 - 18 4. U-08 - 26 5. U-10 - 17 6. U- 12 -16 UKUPNO : 108 Igrača i 5 trenera	600	* plate i doprinosi - 120.322 KM * hrana - 10.581 KM * pripreme - 10.400 KM * članarine i kotizacije - 22.591 KM * stanarine - 9.759 KM * treneri i gorivo - 4.198 KM * utakmice domaće i gostujuće - 20.500,3 KM * Challenge CUP - 10.767 KM * omladinski pogon - 14.895,76 KM * ostalo - UKUPNO : 292.770,86 KM NAPOMENA - troškovi su ostvareni do 16.03.2020 godine, nakon čega je došlo do prekida prvenstva zbog pandemije COVID-19, da je prvenstvo igrano do kraja maja, troškovi bi bili veći.	* Budžet Grada Gračanica * Resorna ministarstva po aplikacijama * sponzori : javna i druga privredna poduzeća * članarine od članova omladinskih sekcija * prodaja ulaznica	* Omogućiti više trenažnih termina omladinskim selekcijama našeg kluba u sportskog dvorani. * Organizovati edukacije, naročito mladih trenera od strane stručnih lica na temu "Rad sa mladima". * Pokušati sve Gračaničke klubove brendirati i izgraditi prepoznatljivu identifikaciju. * Sportska dvorana zahtjeva značajna ulaganja : sanacija krova, zamjena podloge, rješavanje problema koševa, fizičko zatvaranje teretane i kafića u odnosu na sportski teren i tribine (nemoguće održavanje normalnog i mirnog trenažnog procesa), zabrana pušenja i konzumacija alkohola u dvorani i dr.
3	MNK "Kaskada"	Premijer futsal liga BiH	2 - dvije	1. seniori - 25 2. U-19 - 20 3. omladinska škola - 50 Igrači nisu registrovani u savezu, takmiče se na organizovanim turnirima. UKUPNO : 95	300	* hranarina - 40.000 KM * prijevoz - 8.000 KM * oprema - 10.000 KM * ostali troškovi - 10.000 KM UKUPNO : 68.000 KM	* Budžet Gradaq Gračanica * Viši nivoi vlasti * sponzori * vlastita sredstva	* Sugerisem nadležnoj službi da se razmotri odluka o raspodjeli budžetskih sredstava, odnosno da se sačini drugačiji kriterij koji bi dao veću prednost visini ranga takmičenja, kvalitetu, reprezentativcima koje klubovi daju, tradiciji, broju članova itd.

4	KK "Gračanica"	A1 liga BiH	5 - pet	1. seniori - 12 2. juniori - 10 3. kadeti - 9 4. pioniri - 20 5. predpioniri - 10 UKUPNO : 61	/	* plate trenera i sekretara - 17.355 KM * troškovi igrača - 17.905 KM * prijevoz igrača - 3.225 KM * službena lica - 3.420 KM * troškovi prijevoza - 8.530 KM * ostalo - UKUPNO : 63.892,84 KM	* Budžet Grada Gračanica * donacije privrednih subjekata (većim dijelom) * prodaja ulaznica * članarinom članova mlađih selekcija	* KK "Gračanica" ima otežano finansiranje. * Neizvjesne donacije privrednih subjekata. Izvjesne donacije iz budžeta Grada Gračanica, ali nedovoljne za funkcionisanje kluba. Nemoguć nastavak funkcionisanja kluba bez značajnije podrške Grada Gračanica. * Nedostatak i nekvalitetna raspodjela terena za treniranje (Mlađe selekcije nemaju pristup terenu za treniranje u dvorani. Ako da, termini su iza 21 h)
5	Karate klub "Gračanica-Gračanica"	Kantonalni, Federalni, Državni, Balkanski	4 - četiri	1. seniori - 22. juniori - 23. kadeti - 44. pioniri - 8UKUPNO : 16	Na kantonalnom takmičenju koje se organizuje u povodu "Dana grada Gračanica" bilo je prisutno 400 gledalaca.	10.000 KM	* Budžet Grada Gračanica* donacije* vlastita sredstva	1. Obezbijediti za klub prostor za trenazni proces2. Nabaviti jedan tatami (podloga za takmičenje)3. izdvojiti više finansijskih sredstava jer postojeći rezultati i eventualna napredovanja ne mogu bez veće finansijske podrške
6	Plesni klub "Rock step"	Jedinstvena liga BiH	6- šest	18	200	10.000 KM	* Članarine * Sponzoti * Donatori	/
7	Ženski košarkaški klub "G-Star"	Kantonalna liga za mlađe selekcije i Ženska omladinska liga BiH	4-četiri	1. Mini basket - 20 2. Pionirke - 15 3. Kadetkinje - 13 4. Juniorke - 12 UKUPNO : 60	90	4.000 KM (kotizacija za lige, registracija igrača, plaćanje dvorane, učesće na turnirima, putovanja, rekviziti za treninge)	* Budžet Grada Gračanica * Mjesečne članarine * Donacije * Učesće u projektima koji pokrivaju sve troškove	* Potrebno obezbijediti prostor za trenazni proces predviđen za košarku * Potrebna veća sredstva kako bismo učestvovala u A1 ligi BiH * Prema našim procjenama učesće u A1 ligi za sve četiri selekcije će iznositi 10.000 KM
8	ŽOK "Gračanica"	1. Federalna liga	4 - četiri	1. Pionirke - 12 2. Kadetkinje -12 3. Juniorke - 12 4. Seniorke -12 UKUPNO : 48	50	10.832 KM	* Budžet Grada Gračanica * Sponzori	Da se iz budžeta Grada Gračanica izdvaja više sredstava za ženski sport.
9	Šahovski klub Gračanica	Prva F BiH muška ekipa, Prva F BiH ženka ekipa	4 - četiri	1. Seniori - 15 2. Žene - 8 3. Kadeti - 12 4. Pioniri - 10 UKUPNO : 45	/	5.202 KM (Sredstva koja su bila na raspolaganju i prema njima prilagođena takmičenja)	* Budžet Grada Gračanica * Donacije	* Formiranje fonda za godišnje stipendiranje najuspješnijih kadeta * Utvrditi procentualnu pripadnost klubovima od ukupnog budžeta za sport * Sportski savez uz pomoć Grada Gračanice i gradonačelnika dići na viši nivo
10	NK "Orahovica 74"	2. Federalna liga	2 - dvije	1. Prvi tim - 32 igrača 2. Predpioniri - 50 igrača UKUPNO : 82	200	28.000 KM	* Budžet Grada Gračanica * Donacije	* Sredstva bi se trebala povećati zbog nemogućnosti dolaska pblike na stadion
11	RKV "Gračanica 1956"	/	1- jedna	34	150	800 KM (prijevoz na prijateljske utakmice)	* Samofinansiranje * Budžet Grada Gračanica	* Molimo da nam nadležna služba pokuša pronaći adekvatnu prostoriju za rad i muzejsku sobu
12	NK "Stjepan Polje"	2. Kantonalna liga - Zapad	1 -jedna	27	40	23.590 KM	* Budžet Grada Gračanica * Sponzori * Reklame * Ulaznice	* Da se finansiranje iz budžeta Grada ovako nastavi, mi smo zadovoljni ovakvom podrškom i finansiranjem od strane gradonačelnika i Grada Gračanice.

13	NK "Mladost" Doborovci	2. Kantonalna liga - Zapad	1- jedna	1. Seniori - 28 UKUPNO : 28	30	6.703 KM	* Budžet Grada Gračanica * Donacije	* U okviru svojih redovnih aktivnosti NK "Mladost" ima i rad sa mladima ali zbog nedostatka finansijskih sredstava nisu u mogućnosti da se takmiče. * Navedeni ukupni troškovi nisu ukupni troškovi kluba obzirom da grupa entuzijasta okupljenih oko kluba svojim uslugama, donacijama, radom doprinose očuvanju tradicije i opstajanju ovog kluba (besplatan prijevoz na gostujuće utakmice, besplatno održavanje terena i svlačionice, nabavka opreme, i sl.)
14	NK "Jedinstvo" Lukavica	2. Kantonalna liga - Zapad	3 - Tri	1. Seniori - 25 2. Kadeti 15 UKUPNO : 40	1. Kantonalna liga - 100 2. Kantonalna liga - 30	50.000 KM	* Budžet Grada Gračanica 10% * Donacije firmi 30% * Donacije navijača 50% * ulaznice 10%	* Podrška Grda Gračanica bi trebala biti veća u odnosu na sadašnju podršku, tj. trebala bi biti najmanje 10.000 KM.
15	Stono teniski klub "Set" Gračanica	2. Federalna liga	1 - jedna	25 igrača	/	* Kirija - 2.160 KM * Voda - 350 KM * Čišćenje - 600 KM * Smeće - 150 KM * Kotizacija - 300 KM * Troškovi lige - 700 KM * Ostali troškovi - 910 KM UKUPNO: 5170 KM	* samofinansiranje	* Omogućiti prikladan prostor za održavanje svakodnevnih treninga i mečeva
16	Judo klub Pribava	* Državno prvenstvo u svim uzrastima * Federalno prvenstvo u svim uzrastima * Međunarodna takmičenja	1 - jedna	21 takmičar	/	Obzirom na pandemiju otkazana su sva takmičenja izuzev Državnog i Federalnog prvenstva. Otkazane su sve pripreme i kampovi. Klub je bio zatvoren 10 mjeseci, pa je i trošak bio zanemarljiv, 2000 KM.	* Budžet Grada Gračanica * Članarine	* Zahvalni smo na dosadašnjoj podršci od Grada i Gradonačelnika, ali stvarne potrebe kluba su dosta veće. Naši treneri rade volonterki, klub koristi prostorije Mjesne zajednice, koristimo posuđene stunjače, opremu kupujemo sami, prijevoz obezbjeđujemo sami, itd. Rezultat koji postižemo ponajviše je rezultat ulaganja roditelja i članova kluba. Da bismo nastavili i povećali ove rezultate potrebno nam je dosta više ulaganja.
17	NK "Mladost" Malešići	2. liga Federacije BiH	2 - dvije	1. mlađi pioniri - 20 2. seniori - 23 UKUPNO : 43	50	27.400 KM	* Budžet Grada Gračanica * Zakup prostora * Reklame * Budžet MZ Malešići * Ostalo	/
18	Sportski bilijar klub "Bily" Gračanica	1. liga BiH	2 - dvije	1. seniori - 12 2. juniori - 5 UKUPNO = 17	/	* hrana 920 KM * sudije 480 KM * prijevoz - 600 KM * stolovi za bilijar - 1730 KM * licenca za klub - 300 KM * licenca po igraču 50 KM UKUPNO : 4080 KM	*samostalno * sponzori	/

Grafički prikaz troškova po klubovima za sportsku sezonu 2019/2020





Ukupni troškovi za takmičarsku sezonu 2019/2020 su 1.002.389,00KM. Troškovi su nastali do perioda prekida trenajnog i takmičarskog procesa zbog naredbi Kriznih štabova u cilju sprečavanja širenja pandemije Covid-19.

NK "Bratstvo" je ostvarilo najveće troškove u iznosu od 390.000,00KM, zatim RK "Gračanica" u iznosu od 292.770,00KM itd. Najmanji trošak ostvarili su Judo klub "Pribava" i RKV "Gračanica 1956".

Iznose utrošenih sredstava koji su kolektivi dostavili temelji se na Bilansu stanja i uspjeha to jest o sredstvima koja su realizovana bankovnim plaćanjem. Mnogi troškovi su plaćeni lično od članova i ljubitelja kluba, sponzorski ili od donacija pa nije prikazan ukupan trošak. Ukoliko bi se prikazao ukupan trošak ostvaren po sportskim kolektivima bio bi veći za 20-30%.

Grafički prikazi broja selekcija I igrača po klubovima



Najveći broj selekcija i igrača imaju NK "Bratstvo" (7 selekcija i 250 igrača) i RK "Gračanica" (6 selekcija, 108 igrača) po jednu selekciju imaju 5 sportska kolektiva NK "Stjepan Polje", NK "Mladost" Dobrovci, Judo klub "Pribava", RKV "Gračanica 1956" a najmanje igrača imaju Karate klub "Gračanica" (16 igrača), Sportski bilijar klub "Billy" (17 igrača) i Plesni klub "Rock step" (18 igrača).

Velika većina kolektiva nije dostavila sugestije, prijedloge i eventualne kritike pa se informacija temelji na odgovorima i sugestijama nekolicine odgovornih i po svim ostalim segmentima najvećim gračaničkim sportskim kolektivima.

Najveći broj sugestija odnosio se na povećanje sredstava za finansiranje klubova, transparentnijoj i načinu raspodjele sredstava, unapređenju prostora za odvijanje trenažnih procesa i utakmica uključujući i održavanje sportskih terena, veću podršku klubovima nosiocima razvoja sporta i masovnom sportu. Osnovne sugestije/preporuke koje smo dobili u toku ispitivanja se nalaze u *"Analiza upitnika i tabelarni prikazi pojedinih dijelova upitnika"*

4. Stanje sportskih objekata

Jedan od temeljnih uslova za odvijanje sportskih aktivnosti jeste prostor. Prostori za sportske aktivnosti dijele se na prirodne i izgrađene.

U prirodne spadaju suhe površine, vodene površine i snježne površine, dok se izgrađeni sportski objekti mogu podijeliti na zatvorene, otvorene i specijalne sportske objekte.

Na području grada Gračanica postoji jedna sportska dvorana, 8 stadiona sa travnatom podlogom i jedan stadion sa plastičnom travom, 31 sportski poligon, 3 školske sale, 3 teretane, tri bazena. Većina sportski terena na području grada Gračanica su stadioni za nogomet i kombinovani sportski poligoni. Sportski poligoni su najčešće u vlasništvu onovnih škole ali ih održavaju i koriste Mjesne zajednice kako za sportska tako i za kulturna dešavanja.

Opis stanja sportskih terena po mjesnim zajednicama:

1. MZ Gračanica;

Gradski stadion "Luke" – stadionom rukovodi NK "Bratstvo". Stadion ima jednu od najboljih podloga u Federaciji BiH a kapacitet tribina oko 3000 mjesta. Stadion ispunjava sve uslove za takmičenje u 1. Ligi FBiH, ali uskoro mora ispuniti i uslove postojanja mokrog čvora za navijače i natkriti centralnu tribinu. U sastavu stadiona izgrađen je i stadion sa plastičnom travom i svlačionice. Novoizgrađeni stadion sa plastičnom travom služi za utakmice mlađih selekcija NK "Bratstvo", treninge mnogih sportskih kolektiva sa područja grada Gračanica i za individualno rekreativno sportske aktivnosti. Stadion posjeduje stari semafor koji je dotrajavao pa je neophodno

postaviti novi digitalni semafor. Da bi stadion bio potpuno funkcionalan potrebno je ograditi stadion sa plastičnom travom, te hitno postaviti uređaja za zalivanje u ljetnom periodu.



Sportska dvorana “Luke”- Sportskom dvoranom rukovodi Grad Gračanica koji je ujedno i vlasnik dvorane. Dvorana ima kapacitet od 800 mjesta a izgrađena je 2001 godine. Jedna je od rijetkih dvorana koja je besplatna za korištenje sportskim kolektivima. Sportski kolektivi koji dvoranu koriste za utakmice i trenažne procese su: RK “Gračanica”, KK “Gračanica”, “G-star” Gračanica, Karate klub “Gračanica”, MNK “Kaskada”, ŽOK “Gračanica”idr. Prioritet imaju kolektivi višeg nivoa takmičenja, sa većim brojem selekcija, većim brojem igrača itd.

Sportka sala je napravljena prije 20 godina i trenutno ima nekoliko oblasti koje bi se trebale unaprijediti/popraviti:

1. Popraviti korv
2. Zatvoriti/odvojiti prostor kafica I teretane od terena
3. Sanirati ili zamijeniti podlogu
4. Zamijeniti rasvijetna tijela

Bivši prostor fitness centra dat je na privremeno korištenje stono teniskom klubu “Set” Gračanica.



Sportska dvorana “Bazen”

U toku su građevinski radovi čija je vrijednos preko 2.500,000KM, finansiraju se kreditnim sredstvima Grada i dijelom sredstvima Federalne vlade. Za završetak radova, vanjsko uređenje i stavljanje dvorane u funkciju neophodno je nešto više od 1.500.000,000 KM.



Rukometno igralište

Rukometno igralište koriste srednje škole za odvijanje časova fiskulture, sportski kolektivi za trenazne procese, udruženja građana i rekreativci. U sastavu Rukometnog igrališta ulazi glavni poligon, tribine, vanjska teretana i poligon za street basket. Igralište ima zasebnu rasvjetu i ograđeno je željeznom ogradom.

Igralište nije u zavidnom stanju te su neophodna ulaganja u što kraćem roku. Neophodno je zamijeniti zid sa gornje strane igrališta, uraditi novu podlogu na glavnom terenu, uraditi tribine, reparirati postojeću ogradu a rasvjetna tijela zamijeniti led rasvjetnim tijelima. Neki od ovih radova će krenuti uskoro.




Sportsko rekreativno izletišće “Brezik”

Sportsko rekreativno izletišće “Brezik” je odlukom dato na upravljanje Udrženju “Brazik” . Udruženje se zalaganjem i radom uz pomoć Grada Gračanica i drugih partnera potrudilo da prostor privede namjeni pa su izgradili tribine, ogradili terene, postavili novu podlogu na sportskom terenu, ugradili rasvjetu, postavili dječije igrališće itd. Planovi su da se u toku godine izgradi i teren za odbojku na pijesku. U dosadašnje radove uloženo je preko 30.000,00KM




Poligon Druge osnovne škole

Poligon Duge osnovne škole je u vlasništvu Druge osnovne škole a koristi se za održavanje časova fiskulture i za rekreaciju građana. Trenutno stanje poligona nije za pohvalu a potrebna je rekonstrukcija svih postojećih elemenata. Poligon ima odlične preduslove za razvoj profesionalnog i rekreativnog sporta. Plan Grada je da u saradnji sa Drugom osnovnom školom, Ministarstvom obrazovanja TK i nevladinim organizacijama po fazama od prostora koji obuhvata poligon Druge osnovne škole, Sportsku dvoranu „Luke“, Gradski stadion i stadion sa plastičnom travom formira Sportsko rekreativni centar „Luke“. Poligon Druge osnovne škole bi se pretvorio u pravi sportski poligon koji bi koristili učenici, profesionali sportisti i rekreativci. Planirano je da se na poligonu izgradi: Vanjska teretana, postavi novi urbani i sportski mobilijar, izgradi poligon za odbojku na pijesku, veliko konbinovano dječije igrališće, betonski stolovi za stolni tenis atletska staza, rasvjeta itd. U toku 2021.godine izgrađeni su teren za odbojku na pijesku, vanjska teretana, proširena je rasvjeta, postavljen je novi sportski i urbani mobilijar.



Poligon “Drijenča”

Poligon “Drijenča” se nalazi u naselju Lipa. Nedavnim aktivnostima Grada Gračanica, Vijeća maldih općine Gračanica i Omladinske banke Gračanica poligon je uređen. Na poligonu su reparirani koševi i postavljene nove table, ugrađena ograda, dječije igralište, novi golovi i urbani mobilijar. Poligon je djelimično osvjtljen sa dvije lampe. Potrebno je da se postave jos dva stuba i dvije lampe kako bi poligon u potpunosti osvjtljen.



Poligon “Malta”

Poligon se nalazi u naselju Malta. Sastoji se od ograđenog poligona za male sportove sa kompletnim sportskim mobilijarom, rasvjetom I mobilijarom za dječije igralište. Na poligonu je neophodno sanirati sportski mobilijar, ogradu, vrata itd.



2. MZ Miričina

Stadion NK “Lokomotiva” Miričina

Stadion Nk “Lokomotiva” je u vlasništvu NK “Miričina” i ispunjava sve uslove za rang u kojem se takmiči Miričina. Uprava kluba uredno održava stadion a stanje stadiona je za pohvalu.



Poligon Osnovne škole “Miričina”

Poligon je u vlasništvu Osnovne škole “Miričina” a koriste ga učenici tokom časova fiskulture i svi mještani nakon nastave. Poligon nije uslovan za širu upotrebu. Potrebno je ugraditi sportski mobilijar, urbani mobilijar, ogradu i rasvjetu.



Poligon u u Gornjoj Miričini

Poligon ima asfaltnu podlogu i golove. Potrebno je ograđivanje, dodatni sportski mobilijar i rasvjeta.

3. MZ Rašljeva

Poligon Osnovne škole Rašljeva

Poligon je u vlasništvu MZ Rašljeva ali ga koristi i Osnovna škola “Rašljeva”. Odlično pripremljen poligon sa tribinama, golovima, rasvjetom i ogradom iza golova. Uz poligon je postavljen i teren za odbojku na pijesku. Poligonu su potrebni koševi i dodatne klupe.



4. MZ Donja Orahovica

Stadion NK Orahovica

Stadion je u vlasništvu NK "Orahovica", ispunjava uslove za takmičenje a Grad Gračanica je u toku 2020. godine finansirao izgradnju tribina.



Poligon Osnove škole Donja Orahovica

Poligon je u vlasništvu Osnovne škole "Donja Orahovica", otvoren je za korištenje svim građanima. Poligon je velike dimenzije i ima kapacitet za odvijanje svih sportskih takmičenja. Raspolaže urbanim mobilijarom, rasvjetom i dječijim igralištem. Potrebno dodatno ograđivanje sa zapadne i sjeverne strane u cilju veće sigurnosti djece.



Poligon Osnovne škole “Rijeka”

Poligon se nalazi u sastavu Osnovne škole “Rijeka” u vlasništvu je škole. Uredno se održava ali je neophodno obnoviti sportski i urbani mobilijar.



Poligon Karići (kod mezarja)

Poligon ima asfaltnu podlogu i stare golove. Potrebno je poligon ograditi nabaviti novi mobilijar i ugraditi rasvjetu.

5. MZ Gornja Orahovica

Poligon Osnovne škole Gornja Orahovica

Poligon je u vlasništvu škole i koristi se za odvijanje časova fiskulture, vannastavne aktivnosti i rekreaciju mještana Gornja Orahovica. Poligon se uredno održava, posjeduje golove, rasvjetu, tribine i jednim dijelom je ograđen.



6. MZ Donja Lohinja

Poligon Osnovne škole Donja Lohinja

Poligon se nalazi u sklopu osnovne škole Donja Lohinja, poligon se koristi za časove fiskulture i za rekreaciju mještana Donje Lohinje.



7. MZ Gornja Lohinja

Nema sportskih terena.

8. MZ Pribava

Stadion NK “Pribava”

Stadion je u vlasništvu NK “Pribava”, uredno se održava, nema tribine i nema reflektorsku rasvjetu. Ispunjava uslove za rang u kojem se takmiči Nk “Pribava”



Sportski poligon “Azem” Pribava

Poligon se nalazi u blizini Osnovne škole “Pribava” u vlasništvu je MZ Pribava. Potpuno je opremljen i uredno se održava. Poligon služi za održavanje časova fiskulture, za rekreaciju i organizaciju sportskih u kulturnih dešavanja.



Stari poligon

Poligon je u vlasništvu MZ Pribava. Od škole je udaljen oko 1km i odlična ja prilika za rekreaciju i sportske aktivnosti kada je glavni poligon zauzet. Neophodno je da se poligon ogradi, postavi rasvjeta i da se ugradi dodatni sportski i urbani mobilijar.

9. MZ Babići

Poligon Osnovne škole Babići

Poligon je u vlasništvu MZ Babići a koristi se za održavanja časova fiskulture i za rekreativne sportske aktivnosti. Poligon je u lošem stanju i neophodna je rekonstrukcija podloge, ograda itd. Mz Babići je pripremila Glavni projekat rekonstrukcije poligona, vrijednost potpune rekonstrukcije je oko 100.000,00KM

Tereni na izletištu “ViS”

U sastavu ima poligon koji ispunjava sve uslove za održavanja sportskih aktivnosti, teren za odbojku na pijesku, teren za street basket i teren za šah. Svi tereni koji se nalaze na Vis-u su dobro osmišljeni i kvalitetno urađeni. Tereni služe za rekreaciju građana sa područja grada Gračanica, sportska takmičenja, turnire itd. Veliku zaslugu za izgradnju, uređenje, održavanje nose mještani MZ Babići, predstavnici MZ Babići, Udruženje mladih “Sijedi krš” i dr. koji uz pomoć Grada Gračanica prostor “Visa” pretvaraju u prepoznatljivu sportsko-turističko destinaciju.



Mini poligon

Poligon se nalazi u centru Babića, ograđen je, ima potreban sportski mobilijar i rasvjetu. Nisu potrebna dodatna ulaganja.

10.MZ Škahovica

Sportski poligon

Poligon je smješten u centru Škahovice, u vlasništvu je MZ Škahovica. Koristi se za odvijanje časova fiskulture, sportske i kulturne manifestacije, rekreaciju itd. Uredno se održava a uz poligon je smješten mobilijar za dječije igralište. Poligon ima sve potrebne elemente za sigurnu upotrebu ali su mu potrebna određena ulaganja: sanirati asfaltnu podlogu, djelimično ograđivanje i koševi.



11.MZ Soko

Sportski poligon

Poligon je u vlasništvu mjesne zajednica i ispunjava sve uslova kako za profesionalna tako i za rekreativna sportska takmičenja. Služi kao prostor za održavanja časova tjelesnog odgoja, treninge, rekreaciju, sportske i kulturne manifestacije. U sastavu ima poligon sa tribinama od 350 sjedećih mjesta, svlačionice, teren za odbojku na pijesku i street basket, ograđen je i ima rasvjetu. U toku 2020.godine mještani MZ Soko, predstavnici MZ Soko uz pomoć Grada Gračanica postavili su i plastičnu travu na teren. Ovo je i jedini sportski poligon na području grada Gračanica koji ima plastičnu travu.



12.MZ Doborovci

Stadion NK "Mladost" Doborovci

Stadion je u vlasništvu Nk "Mladost" iz Doboravaca i ispunjava uslove koje su propisane za odvijanje takmičenja za rang u kojem se klub takmiči. Stadion se uredno održava a u sastavu ima i poligon za male sportove. Poligon za male sportove održavaju MZ Doborovci i mještani Doborovaca. Poligon ispunjava sve uslove a obzirom da je smješten u centralnom dijelu MZ Doborovci uvijek je dobro posjećen i služi za sportsko i rekreativno korištenje slobodnog vremena mještana Doborovaca.



Poligon Osnovne škole Doborovci

Poligon Osnove škole Doborovci je u vlasništvu škole, poligon ima travnatu podlogu i golove. Da bi se osigurao siguran prostor za odvijanje nastave, rekreacije i drugih sportskih aktivnosti

potrebno je uraditi idejni i glavni projekat za izgradnju poligona i realizovati ga od početka do kraja.



13.MZ Gornji Doborovci

Poligon je urađen u 2020. godini, izgradnju su finansirali Grad Gračanica i mještani MZ Doborovci. Poligon posjeduje asfaltnu podlogu, tribine i dio sportskog mobilijara.



14. MZ Džakule

Poligon Osnovne škole Džakule

Poligon u vasništvu je Osnovne škole Džakule koristi se za odvijanje časkva tjelesnog odgoja, rekreaciju sportske i kulturne manifestacije. Raspolaže sa svim potrebnim sportskim i urbanim mobilijarom a u ređenje i održavanje terena je za svaku pohvalu.



Mini stadion

Stadion se nalazi u neposrednoj blizini prostorija MZ Džakule a preko puta Sportskog poligona. Stadion koristi Udruženje građana "Polet". Prestavnici udruženja su stadion ogradili, postavili rasvjetu, travnatu podlogu doveli u funkcionalno stanje i postavili sportski mobilijar. Uspješno realizovane aktivnosti Udruženja "Polet" s ciljem da se prvenstveno mladima MZ Džakule osiguranju bolji uslovi za treniranje i sportsko izražavanje su za svaku pohvalu.



Poligon u zaseoku Mehmedovići

Poligon je vlasništvo MZ Džakule, u vidno zapuštenom je stanju. Poligon ima asfaltnu podlogu, tribine i ograđen je.



15.MZ Trnovci

Poligon je u vlasništvu MZ Trnovci koja ga i održava. Poligon je u funkcionalnom stanju, ima asfaltnu podlogu, tribine, rasvjetu i jedan ograđeni dio. Potrebno je potpuno ograditi poligon i postaviti koševе.



16.MZ Prijeko brdo

Školski poligon

Poligon održava MZ Prijeko brdo a koristi se za odvijanje časova fizičkog odgoja, sportskih i kulturnih manifestacija itd. Ispunjava sve uslove za korištenje i nema potrebu za dodatnim ulaganjem.



17.MZ Buk

Sportski poligon

Poligon je u vlasništvu MZ Buk, ima asfaltnu podlogu, rasvjetu i potpuno je ograđen.



18.MZ Lendići

Nema sportske terene

19.MZ Stjepan Polje

Stadion NK “Stjepan Polje” je u vlasništvu istoimenog nogometnog kluba. Ispunjava sve potrebne uslove za rang takmičenja u kojem se klub nalazi. Odlično se održava, ima svlačionice i klubske prostorije. Planovi kluba su da se do kraja 2022. godine izgrade tribine za koje je pripremljen prijekat.



Poligon Osnovne škole Stjepan Polje

Poligon je u vlasništvu MzZStjepan polje koja ga i održava. Poligon je u potpunosti uređen i ima potreban urbani i sportski mobilijar, tribine, rasvjetu te je u potpunosti ograđen. Planovi predstavnika MZ je da se u 2022. godini na prostoru koji obuhvata poligon izgradi i dječije igralište kako bi se sportsko-rekreativna ponuda popravila.



20.MZ Malešići

Stadion NK "Malešići"

Stadion je u vlasništvu istoimenog kluba, ispunjava uslove za rang u kojem se takmiči. Raspolaža sa svim potrebnim mobilijarom, svlačionicama, klubskim prostorijama i tribinama. Stadion ima rasvjetu.



Sportski poligon

Nalazi se u centru Malešića a u vlasništvu je MZ Malašići. Poligon se koristi za održavanje časova tjelesnog odgoja, sportsku rekreaciju i za održavanje sportskih i drugih manifestacija. Poligon je potpuno opremljen i raspolaže sa asfaltnim terenom, tribinama, rasvjetom a potpuno je i ograđen. Nedavno je usljed klizišta stradala ograda sa južne strane koja je popravljena ali je potrebno asfaltirati dio puta koji je takođe stradao.



Poligon Golaći

MZ Malešići je kupila zemlju u zaseoku Golaći kako bi izgradila multifunkcionalan sportski poligon. Zemljište ima površinu od 1800m². Planirano je da se radovi završe do kraja 2023. godine.

21.MZ Lukavica Stadion NK “Lukavica”

Vlasništvo nad stadionom ima klub koji ga i održava. Stadion ispunjava uslove za rang u kojem se klub takmiči, a nedavno su postavljeni stubovi za rasvjetu. Ugradnjom rasvjetnih tijela će se završiti osvjetljenje stadiona.

Poligon Osnovne škole “Lukavica”

U vlasništvu je Osnovne škole Lukavica, služi za odvijanja nastave fizičkog odgoja, rekreaciju sportske i druge manifestacije od značaja za MZ Lukavicu i Grad Gračanicu. 2019. godine na poligonu je ugrađena nova asfaltna podloga, raspolaže sa potrebnim urbanim i sportskim mobilijarom poput tribina, golova, ograde itd. U sastav poligona ulazi i natkrivena bina koja služi za kulturno umjetničke nastupe ali i za promociju sportskih događaja. Na poligonu nedostaju koševi koji bi upotpunili dobro izgrađen i očuvan ambijent a mladima ponudili novi sportski sadržaj za rekreaciju.



22. MZ Vranovići

Sportski poligon

U vlasništvu je MZ Vranovići, poligon je ograđen, ima asfaltnu podlogu i rasvjetu.



23. MZ Piskavica

Poligon "Jošak"

Poligon je u vlasništvu MZ Piskavica a održavaju ga MZ Piskavica, Udruženje "Jošak" i građani. Poligon raspolaže poligonom, tribinama, ljetnom binom sa svlačionicama i rasvjetom. Na poligonu se realizuju mnoge aktivnosti poput sportskih turnira, kulturno umjetničkih manifestacije itd. Cilj je da se napravi Sportsko rekreacioni centar "Jošak" za koji je već urađen projekat. Planirana je izgradnja poligona za street basket, odbojku na pijesku i teniskog terena. Aktivnosti koje mještani MZ Piskavica rade kako bi ideju o izgradnji Sportsko rekreativnog centra priveli kraju su za svaku pohvalu.



5.Školski sport

Školski sport, nije orijentisan prema konkurenciji. Zamišljeno je da se učenici zabave, nauče da brinu o svom fizičkom stanju i razvijaju razne vještine.

Kroz školski sport učenici mogu steći vještine, poboljšati fizičku sposobnost, podići samopoštovanje i stvoriti zdrave navike. To sport takođe omogućava integracija i podučava osnovne pojmove poštovanja (prema vršnjacima, suparnicima, vlastima, normama, itd.).

Mnogo puta se organizuju međuškolska takmičenja u kojoj se učenici škole suočavaju sa učenicima drugih ustanova. Iza ove natjecateljske prirode, nastavnici moraju usaditi djeci da je najvažnije ne pobjeđivati već sudjelovati u aktivnosti.

Stoga možemo ustvrditi da je školski sport način poticanja vrijednosti, podučavajući ih osnovnim pravilima ponašanja i obrazovanja, pa čak i omogućavajući im da od ranog djetinjstva osiguraju zaštitu i brigu o svom zdravlju.

Školski sport se sprovodi kroz časove fizičke kulture i sekcija koje organizuju škole samostalno. Nastav fizičke kulture izvodi se u školskim salama i na otvorenim školskim terenima/poligonima koji su u vlasništvu škole ili mjesne zajednice.

Školska nastava se odvija u školskim salama i na školskim poligonima. Stanje sala zavisi od škole do škole i pretežno svakoj školskoj Sali treba neko ulaganje u vidu sanacije infrastrukture ili nabavke sportskog i urbanog mobilijara. Vanjski poligoni pretežno ispunjavaju uslove za korištenje. Vanjski sportski tereni su u relativno dobrom stanju osim u nekoliko slučajeva gdje su potrebna veća finansijska ulaganja. Većinu vanjskih sportskih terena koje koriste škole održavaju mjesne zajednice ili lokalno stanovništvo pa je primjetna razlika u odnosu na sale.

Školske sale

Na području grada Gračanica postoje dvije srednje škole Gimnazije “Dr.Mustafa Kamarić” i Mješovita srednja škola Gračanica i 11 osnovnih sa 11 područnih škola.

O problemu i neuslovnoj Sali za odvijanje časova tjelesnog odgoja srednjih škola se godinama priča i bez nove sportske sale problem odvijanja nastave se ne može riješiti. Na našu sreću u toku su završni radovi na Sportskoj dvorani “Bazen” koja će biti namjenjena i za odvijanja časova fizičke kulture.

Od 22 osnovne i područne škole 9 škola ima sportsku salu. Stanje postojećih sala je složeno. Svakoj sali je potrebno dodatno ulaganje, infrastrukturno u vidu sanacije infrastrukture ili nabavke dodatnog sportskog i urbanog mobilijara.

6. Sportska rekreacija građana

Sportska rekreacija obuhvata organizovane ili individualne sportske aktivnosti omladine i odraslih građana, koja se ostvaraje u okviru različitih oblika tjelesnog vježbanja i nema određene takmičarske oblike.

Na području grada Gračanica sportska rekreacija se odvija uglavnom samoorganizovanjem manjih grupa građana u Sportskoj dvorani „Luke“, kao i na vanjskim sportskim terenima na cijelom području grada Gračanica. U posljednjih nekoliko godina primjetan je povećan broj rekreativaca, djece, omladine i odraslih, koji upražnjavaju trčanje i biciklizam kao vid rekreacije, a također osjetan je i porast građana koji treniranjem u fitness centrima zadovoljavaju svoje sportsko-rekreativne potrebe. Na području grada Gračanica postoje 3 fitness centra. Takođe, kao vid sportske rekreaciju u ljetnim danima koriste se i 3 bazena.

Sportska rekreacija za žensku populaciju za sve uzraste, kroz razna aerobik i fitnes vježbanja je ponovo aktivirana u Fitness centru W-gym. Kao i kod muške populacije i u ženskoj je u posljednje vrijeme prisutno povećana sportsko-rekreativna aktivnost, naročito kroz vožnju bicikla i trčanje. Također, sve veći broj ženske populacije upražnjava vježbanje u fitness centrima. Smatramo da ovom segmentu sportske rekreacije treba posvetiti još više pažnje i pomoći ga sa finansijskim sredstvima i kroz obezbjeđenje još adekvatnog prostora za vježbanje.

7. Izdvajanja za sport iz Budžeta grada Gračanica

U toku 2020. godine iz Budžeta grada Gračanica za sportsku infrastrukturu, process takmičenja sportskih klubova, kotizacije prema savezima I sl. izdvojeno je: **701.896,00KM**

Finansiranje iz Budžete se vršilo putem definisanih transfera za nevladine organizacije oblast – sport i projektno.

Putem transfera izdvojeno je 556,840,00KM i to:

1. Obaveze saveza prema klubovima - 73.210,00KM
2. Grantovi prema klubovima – 403.171,00KM
3. Sportski savez grada Gračanica – 16.800,00KM
4. Sportski savez na ime klizališta za 2019/2020 godinu – 44.779,00KM
5. Održavanje sportskih terena – 14.217,00KM
6. Sportske manifestacije, prvenstva turniri I sl. – 4.663,00KM

UKUPNO: 556,840,00KM

Putem realizacije projekata izdvojeno je 145.056,00KM I to:

1. Kapitalni grant za rekonstrukciju – 14.943,00KM
2. Izgradnja tribina na stadionu NK Orahovica 74 - 30.000,00KM

3. Uređenje poligona Osnovne škole Hasan Kikić - 26.000,00KM
4. Asfaltiranje sportskog poligona u MZ Gornji Dobrovci – 14.020,00KM
5. Izgradnja potpornog zida na igralištu u Mz Piskavica – 2,905,00KM
6. Asfaltiranje poligona u MZ Stjepan Polje - 39.021,00KM
7. Sanacija poligona u MZ Soko – 4.927,00KM
8. Uređenje poligona na izletištu “Vis” -35.356,00KM
9. Uređenje podloge na sportskom poligonu na izletištu “Brezik” 5.832,00KM
10. Postavljanje rasvjete na sportskom poligonu na izletištu “Brezik” 5.832,45KM
11. Postavljanje rasvjete na stadionu NK “Luakvica” 6.000,00KM
12. Postavljanje rasvjete na stadionu u Vranovićima 6.000,00KM

UKUPNO: 145.056,00KM

Nekolicina nevladinih organizacija je inicirala i realizovala infrastrukturne i društvene projekte:

Vijeće mladih općine Gračanica je realizovalo projekat uređenja poligona “Drijenča” u MZ Gračanica. Na poligonu su obnovljeni koševi, postavljenj novi urbani mobilijar, urađena rasvjeta, postavljena ograda i postavljen mobilijar za dječije igralište. Vrijednost projekta je 15.000,00KM.

Udruženje “Brezik” je putem Javnog poziva koji je raspisao Grad Gračanica za finasiranje nevladinih organizacija, sponzora, drugih nevladinih organizacija, ličnih donacija uredilo sportsko rekreativno izletište “Brezik” koje je ujedno i jedino mjesto te vrste na području MZ Gračanica. Na izletištu “Brezik” izgrađene su tribine, postavljanja ograda, postavljanja rasvjeta, obnovljena podloga na sportskom terenu, postavljan mobilijar za dječije igralište i urbani mobilijar.

Udruženje planinara “Zefir” je označilo prvu planinarsku stazu na području grada Gračanica, na označenoj stazi izgrađeno je i natkriveno odmaralište. Označavanje staze finansirano je sredstvima Grada Gračanica po Javnom pozivu.

O udruženju Zefir:

Planinarsko društvo "Zefir" Gračanica osnovano je 22. 11. 2007. g. kao nevladina i neprofitna organizacija, koja okuplja članove s područja Gračanice (pa i šire), povezane željom da kroz planinarstvo pozitivno utječu na poboljšanje kvaliteta života, okruženja i okoliša. Društvo djeluje na razvoju planinarstva u najširem smislu, organiziranog rada u svim granama planinarske djelatnosti, te srodnim aktivnostima. PD "Zefir" baštini tradiciju raznih oblika organiziranja zaljubljenika u planinarstvo u Gračanici, staru nekoliko decenija. Društvo realizira aktivnosti vezane uz organiziranje i promoviranje odlaska u planine, zatim pješaćenje i boravak u prirodi na lokalnom području, odgajanje članstva u smislu očuvanja i zaštite prirode, stručnu obuku planinara, gradnju i održavanje planinarskih objekata, označavanje i uređenje planinarskih staza, te ostvarivanje saradnje sa drugim planinarskim društvima i srodnim organizacijama. PD "Zefir" u prosjeku organizira 20 – 30 planinarskih pohoda godišnje (na planine u BiH i inostranstvu), uz

isto toliko planinarsko-pješačkih pohoda, izleta i šetnji na području Gračanice i neposrednog okruženja.

8. Sportski savez

Sportski savez kao krovno udruženje sportskih kolektiva grada Gračanica afirmiše sistem sportske kulture kroz sportski odgoj i obrazovanje, sport i sportsku rekreaciju od sportske aktivnosti djece, omladine i odraslih građana, koji se organizuju na načelu jednake dostupnosti svim građanima bez obzira na pol, nacionalnost, vjeroispovijest, političko uvjerenje ili porijeklo, isključujući diskriminaciju po bilo kom osnovu. Posebna pažnja se posvećuje sportu:

- u školi,
- kvalitetnom sportu i
- sportu za lica sa invaliditetom.

Sportski savez grada Gračanica redovno aplicira na Javne pozive i time realizuje projekte koji su od interesa za društvenu zajednicu.

Izveštaj Sportskog saveza grada Gračanica za 2020 godinu:

Sportske aktivnosti na području Grada Gračanica odvijale su se kroz plansku aktivnost Sportskog saveza i redovan kalendar takmičenja sportskih klubova koji se takmiče u svojim sportskim granama.

Sportski ciljevi zasnovani na programskoj orijentaciji Sportskog saveza, prijedlozima i smjernicama vijećnika proisteklim iz rasprave o izvještaju Sportskog saveza za prethodnu godinu, bili su smanjeni zbog pandemije korona virusa (COVID-19).

- Uključivanje što više mladih u sport,
- Očuvanje postojećih sportskih klubova,
- Pomoć sportskim klubovima za njihovu održivost i postojanje,
- Organizovanje takmičenja, revija i rekreacija,
- Podržavanje svih memorijalnih turnira posvećenih sportistima i šehidima/poginulim borcima odbrambeno-oslobodilačkog rata.
- Organizacija sportskih susreta posvećenih značajnim datumima i događajima za Grad Gračanicu,
- Sprovođenje razvoja školskog sporta po osnovnim školama na području Grada Gračanica u okviru Malih olimpijskih igara,
- Organizacija izbora najboljih sportskih kolektiva i pojedinaca na području Grada Gračanica,
- Preventivna zdravstvena zaštita sportista i članova sportskih ekipa.

Sve planirane aktivnosti su izvršene u njihovom utvrđenom roku.

Uključivanje mladih u sport i očuvanje postojećih sportskih klubova

Jedan od prioritativnih zadataka i ciljeva Sportskog saveza Grada Gračanica jeste stvaranje uslova za uključivanje što većeg broja mladih u organizovanje sportske aktivnosti.

U cilju realizacije ovih zadataka, Sportski savez Grada Gračanica, poseban akcenat dao na uključivanje mladih (učenika osnovnih škola sa teškoćama u razvoju). Tako drugu godinu zaredom 46 učenika O.Š.“Hasan Kikić“ iz Gračanice je aktivno uključeno u sportske aktivnosti kroz realizaciju projekta “Igra kao značajan faktor djece sa poteškoćama u razvoju“. Za ovaj projekat koji stručno realizuju pedagozi tjelesne kulture, Sportski savez je dobio niz pohvala, a svakako najdraža i najuspješnija je ona koju smo dobili od same djece i njihovih roditelja.

Ono što je već postala tradicija u Gračanici jeste škola-obuka učenika/ca neplivača osnovnih škola za područje grada Gračanica. Kroz ovaj projekat, svake godine prođe blizu 100 učenika, od kojih 80% savlada osnovne tehnike plivanja i steknu zvanje plivača-početnika.

Vrlo bitna stvar jeste, da u Programu svog rada Sportski savez stvara uslove za formiranje novih sportskih kolektiva (Judo klub Pribava, Stonoteniski klub Set, Ženski rukometni klub Gračanica First) i sekcije atletike, što je prvi uslov za formiranje atletskog kluba.

Također, Sportski savez Grada Gračanica kroz školu klizanja koju organizuje četvrtu godinu zaredom posebno mladima pruža priliku za upoznavanjem novim sportovima, koji do sada na našem području nisu bili zastupljeni. Kroz aktivnosti klizanja u trajanju od 45dana, preko 5.000 mladih se klizalo što je gradu dalo jednu posebnu vrijednost.

Pomoć i podrška nosiocima sportskog razvoja:

Sportski savez Grada Gračanica u saradnji sa Gradom Gračanica, za sve sportske kolektive, obezbjeđuje besplatne termine korištenja, gradske dvorane kako za seniore tako i za one najmlađe kategorije. Svake godine, Sportski savez stručno predavanje za sve sportske trenere i saradnike na području grada u cilju njihove edukacije. Predavači su ugledni univerzetski profesori i eminentni vrhunski sportisti. Sportski savez daje aktivnu podršku radu školskih sportskih društava i gradskim takmičenja u vidu obezbjeđenja nagrada (medalje, pehare, priznanja, diplome i zahvalnice) sendviča, sokova i sudija za sva takmičenja.

Organizacija planskih sportskih aktivnosti:

Sportski savez Grada Gračanica svake godine na sjednici UO-a donosi Plan aktivnosti za narednu godinu i finansijski plan. Tu su navedene sve aktivnosti Sportskog saveza za tu godinu:

- Škola klizanja,
- Škola plivanja,
- Šolska takmičenja učenika osnovnih i srednjih škola u okviru MOI-a,

- Kantonalna i Federalna takmičenja u okviru MOI-a,
- Učešće u obilježavanju 2.juna dana Općine Gračanica,
- Ulična trka za učenike/ce osnovnih i srednjih škola,
- Otvoreno prvenstvo općine u stonom tenisu,
- Otvoreno prvenstvo općine u odbojci na pijesku,
- Šetnje učenika i građana pod motom “U susret proljeću“, “Moje zdravlje, moja sposobnost je u mojim rukama“, “Moja domovina-moj ponos“, “Upoznaj ljepote svog zavičaja“, “Tradicionalni marš Zečev gaj“.
- Edukacija sportskih trenera “Savremeni trenajni proces“ i „Nove tehnologije u sportu“,
- Tradicionalna manifestacija “Izbor najboljeg sportiste općine Gračanica“.

Održane aktivnosti u 2020 godini

- Klizalište je trajalo do 5.02.2020 godine, g dje je peti put omogućeno mnogim učenicima i građanima da nauče osnove klizanja.
- Sportske igre mladih su održane 6.05.2020 godine, u Gračanici u disciplinama: mali fudbal, rukomet i basket za dječake i djevojčice. Ukupno je bilo 187 učesnika, koji su setakmičili po utvrđenim satnicama radi pandemije COVID-19. Takmičenja su se odvijala naterenu sa plastičnom travom NK “Bratstvo“ i gradskoj dvorani „Luke“.
- U organizaciji Sportskog saveza Grada Gračanica u junu i julu prestavnici svih sportskih kolektiva, članica saveza su dijeli besplatno maske i brošure o pandemiji COVID-19, na preko 18 punktova u Gradu.
- U oktobru je organizivano prvenstvo u stonom tenisu Grada Gračanica, u dvije starosne kategorije do 45 godine (učestvovalo 18 takmičara) i preko 45 godina (učestvovalo 14 takmičara).
- Takmičenje u malom fudbalu U 09, u kojem je učestvovalo 6 ekipa, a takmičenje je održano u MZ Soko, na terenu sa plastičnom travom.

Zaključna posmatranja sportskog napredovanja:

Sportski klubovi iz godine u godinu postižu sve bolje rezultate. To je svakako rezultat dobrog stručnog rada, ali i stvaranje povoljnijih uslova za rad od strane lokalne zajednice.

Rezultati bi bili sigurno još bolji da je završena Sportska dvorana u neposrednoj blizini škole koja je pokrivena i samo joj trebaju finalni radovi. Ovo je tim teža situacija jer preko 2.000 učenika srednjih škola (MSŠ Gračanica i Gimnazija Dr. „Mustafa Kamarić“) izvode nastavu u gotovo nemogućim uslovima (sala 18x9 metar). Uz dobre volje i energije Kantona i lokalne zajednice ovo bi se moglo povoljno riješiti na dobrobit sporta, a posebno 2.000 učenika.

9. Realizovane aktivnosti Grada Gračanica u 2021. godini u cilju unapređenja sporta.

Grad Gračanica je u toku 2021. godine je sproveo mnoge projekte koji imaju za cilj unapređenje profesionalnog i rekreativnog sporta. Tokom ispitivanja sportskih kolektiva, mladih i rekreativaca uvidjeli smo s kojim se problemima klubovi i rekreativci susreću pa su realizovani neki od projekata:

1. Izgrađene su tribine i rasvjetu na stadionu sa plastičnom travom
2. Na poligonu Druge osnovne škole počela je realizacija planiranog projekta “Sportsko rekreacioni centar “Luke”. Izgradili smo vanjsku teretanu, poligon za odbojku na pijesku, rekonstruisali smo koševе za košarku, ugradili jedan dio rasvjete, postavili nove golove i klupe za odmor.
3. Pripremljena je Odluka o novom načinu finansiranja sportskih kolektiva. Naime od 2022. godine sportski kolektivi će se finansirati po Javnom pozivu kao i druge nevladine organizacije. Mjesec decembar je namjenjen za edukaciju predstavnika sportskih kolektiva o popunjavanju projektnih aplikacija i izvještavanju prijavljenih projekata.
4. Pokrenute su procedure javne nabavke za sanaciju krova i poda u sportskoj dvorani “Luke”
5. Zatvoren je otvor između terena i prostora u kojem je sada smješten Stonoteniski klub “Set” Gračanica u sportskoj dvorani “Luke”
6. Pokrenuta je procedura za rekonstrukciju Rukometnog igrališta u Gračanici. Procedure se odnose za izgradnju zaštitnog zida i novih tribina a ugradnja nove podloge na poligonu je planirana za 2022. godinu.
7. Saniran je poligon “Malta” u MZ Gračanica.
8. Završena je procedura javne nabavke za građevinske, elektro radove i dr. na Sportskoj dvorani “Bazen”. Radovi su počeli u septembru mjesecu a plan je da se završe do kraja 2021.godine. Preostale aktivnosti na uređenju dvorane su nabavka i ugradnja sportskog i urbanog mobilijara i vanjsko uređenje I dr.
9. Potpisan Ugovor za nabavku i postavljanje klizališta za sezonu 2021/2022

10. Zaključak

Kao i na sve druge oblasti života, najznačajniji utjecaj na stanje sporta u Gračanici u 2020. godini imala je epidemija koronavirusa. Nastavljajući se na način rada sportskih kolektiva u 2020. godini, novo okruženje i dalje sa sobom nosi: smanjenje broja gledalaca sportskih događaja, usporenje uključivanja novih članova u sportska društva, manju mobilnost i ograničenu mogućnost organizacije većih događaja, te također smanjenje finansijske podrške privrednih subjekata lokalnom sportu, obzirom da su se sponzori opravdano usmjerili na rješavanje vlastitih problema nastalih u pandemiji. Ipak, sport kao jedan od glavnih ambasadora Gračanice i osnova razvoja djece i mladih, u 2021. godini i dalje je napredovao, uz pažnju i podršku gradskih struktura.

Veoma važnu smjernicu za dalji razvoj dala nam je i ispitivanje rada sportskih klubova, koja je podcrtala neke od puteva kojim sport u Gračanici treba da ide u cilju boljeg razvoja u narednom periodu, a važno je istaći da su mnoge od ovih aktivnosti već poduzete u tekućoj godini.

Jedna od primjedbi u okviru revizije koju smo ozbiljno shvatili bila je i nedovoljna transparentnost u dodjeli sredstava sportskim klubovima, što će Grad Gračanica riješiti već od naredne godine, jer ćemo raspisati javni poziv za dodjelu sredstava sportskim klubovima, kao što je to praksa i sa drugim nevladinim organizacijama. U okviru ovih aktivnosti u decembru ove godine organizovati ćemo i edukaciju za sportske radnike o pisanju projektnih prijedloga i izvještavanju, što će unaprijediti njihovu mogućnost i za pronalazak finansijskih sredstava i kod drugih grantova.

Što se pak tiče stanja sportskih terena i mobilijara na području Grada Gračanice, uz napredak koji smo na ovom polju već postigli, cilj nam je u narednom periodu dodatno i precizno utvrditi stanje terena, te stručno analizirati i definisati stvarne potrebe svih mjesnih zajednica za sportskim terenima.

Gledajući na utrošak sportskih klubova u 2020. godini dolazimo do zaključka da trenutna izdvajanja koja se vrše za sportske klubove nisu dovoljna za njihovo adekvatno funkcionisanje i napredovanje u takmičenjima, što možemo pripisati i nešto težoj finansijskoj situaciji društvenog sektora u uslovima pandemije.

Potrebno je učiniti sve da se da veća podrška nosiocima razvoja sporta i masovnom sportu.

